

# Dema tablet pc'yan destpêkir

» RÛPEL 9



Teknoloji

# Farmiga "Hişê wî di Hewa" de ye

» RÛPEL 8



Çand

Versiyona çapkiri ya HAWAR.NET.comê / Çapa Dijital / 07.02.2010

Hejmara 4

Rojnameya Kurdî a serbixwe

hawarnet.com / hawar.hk-mg.net/PESKETIN

pesketin@hk-mg.net

# Pêşketin



## Iran dixwaze çi bike?

Îran dev ji gavên xwe yê xeter benade.. Îran li aliyekî dibêje dewlemend kirina uranyûmê dikare li dervey îranê pêk bîne li aliyekî din ji fuzayan diceribîne. rûpel 6

## KCK; Bila sîleh bi dualî werin rawestandî

Di diroka dengbêjiya kurdan de Evdalê Zeynikê pirê dengbêjên kurd e. rûpel 8

Di kongeraya BDP de li aliyekî banga yekîtiya Kurdan, aliyeke din Tirkiyeyî bûn » r.2

## Barîna berfê li herêma Serhedê û başûrê Kurdistanê zêde dibe...»

r.3

## Îran him dibêje "li hevhatin" him ji fuzeyan dişîne » r.2

Timên Hewlêr û Pêşmergeyê Silêmanî serketin » r.10

## Heywax!; Ji %90'ê internetê tije bû..

Dewama nûçeyê di rûpela 8'an de

# "Divê kurdî wek zimanê perwerdeyê bê pejirandin..."

• Li paytexta Belçîka Brûkselê 6'emîn Konferansa Navneteweyî ya Kurd ku li PE hate lidarxistin, qediya.

• Divê Yasaya Rêveberiyên Herêmî ya demokratîk ser esasê xweseriya demokratîk bête bicihkirin.



## Li pêşiya çareseriya pirsgirêka Kurd astenga herî mezin CHP ye

Dijberiya CHP a hember Kurdan herî dawî bi axaftina faşizan, na alikarê serokê CHP'ê beriya 3 mehan hate rojevê. CHP di pêvajoya ku herî zêde çareseriya pirsgirêka Kurd hatibû rojevê roleke xirab list û pêvajoyê xetimand.

Amed (Pêşketin): Li paytexta Belçîka Brûkselê 6'emîn Konferansa Navneteweyî ya Kurd ku li Parlamentoya Ewropayê (PE) hate lidarxistin, qediya.

### Encamnameya Konferansê

- 1-Divê Tirkiye operasyonên xwe yê li Kurdistan û Iraqê rawestîne. Operasyonên Tirkiyeyê Herêma kurdistanê û aramiya wê tehdid dibe.
- 2-Pevçûna di navbera dewleta Tirk û PKK'ê de encax dikare bi diyalogêke politik a bi nûnerên kurdan re bi dawî bê.
- 3-Divê Tirkiye qanûna li diji terorê ya ku nûnerên legal yê gelê Kurd kriminalize dibe û dide girtin rojek zûtir betal bike.
- 4-Ji ber ku bi nûnerên gelê Kurd re neketin diyalogê, hewildana rê li ber vekirina çareseriya pirsê Kurd, bi ser neket.
- 5-Divê Kurd bikaribin bi hemû partî, rêxistin û saziyên xwe Newrozê bi dilê xwe piroz bikin..

Dewama gotarê di rûpela 3'an de



Ciwan Haco; Divê ji bo çareseriyê bi PKK'ê an ji BDP re rûne R2

## "Ger AKP dixwaze bi rastî pêşî li ordiyê bigre divê ji nû ve vegere ser bûyera Şemzînanê!..." » r.4

**GOTAR**  
Kurd dersa demokrasiyê didin Ereban  
HUSEYIN ABDÛL HUSEYIN

Ji TheNation şîroveyek.  
R5

**AKTUEL**  
Divê Erdogan li şûna Gazzeyê pêşî Kurdan biparêze  
NÎZAR AGRÎ

Nirxandinek balkêş ji rojnameya El-Heyat. R8

**TENDURISTÎ**  
Ger tedbir neyê girtin dê di nava 5 salan de 85 milyon kes bimirin

WHO derbarê kanserê de hişyar kir.  
R8

**ZANIST**  
Bazara muzîkê cihê xwe hişt muzîka dijital

Li cihanê roj bi roj bazara firotina cd'yan biçûk dibe...R8

### Naveroka Din

- » Gotar r.5-6
- » Zanist r.8
- » Aktuel r.10
- » Çand r.8

### Sînemaya Kurdî heye, Gelo meseleya Kerkûkê hate çareser kirin?!

SERHAD B.RÊNAS » r.5

Darbeya rastî li bakûrê Kurdistanê ser Kurdan pêk tê» r.4

» r.4

### Weşanên HKMG:

HAWAR.NET hawarnet.com  
MUZIKKURD muzikkurd.com  
SINEMAKURD sinemakurd.com  
ZANISTUTEKNOLOJII zanistuteknoloji.com  
KURDO kurdo.me | JINANE jinane.hk-mg.net  
ABORINAS aborinas.hk-mg.net  
HEMÛ www.hk-mg.net



# "Divê kurdî wek zimanê perwerdehiyê bê pejirandin"

6'emin Konferansa Navneteweyî ya Kurd de peyamên giring

**BRUKSEL (Pêşketin)**  
 Li paytexta Belçika Brükselê 6'emin Konferansa Navneteweyî ya Kurd ku li Parlamentoya Ewropayê (PE) hate lidarxistin, qediya. Di beşa duhî ya konferansê de Mehmet Yüksel li ser navê KNKê daxuyaniyek da û wiha got: "Dewleta tirk bi kanaleke Tv, çend kursên ziman, li zanîngehan çend kursiyên lêkolînê,

îadekirina navê çend wargehan û bi qanûneke poşmaniyê hewl dide pirsgrîak kurd çareser bike. Em vê rexne dikin." Yüksel bal kişand ku li Tirkîyeyê pirsgrîeka kurd ancax bi misogerkirina bi makezagonê ya maf û hiqûqa gelê kurd a bîngehin mimkûn e ku bête çareser kirin û xwest ku Serokê PKKê ji di nav de hemû girtiyên siyasi bêne berdan.



Pêşniyarên 11 bendî yê KNKê wiha ne:  
 1. Divê makezagonê demokratîk bête çêkirin. Makezagon, an divê li hember hemû nasnameyên eknîki nort be an ji hebûna nasnameya kurd di makezagonê de bête misogerkirin.  
 2. Divê Komîteya Heq û Edaletê bête sazîkirin da ku ev komîte bûyerên li dijî mafên mirovan û hiqûqa şer a navneteweyî lêkolîn bike.  
 3. Divê kurdî ji dibistana seretayî heta zaningehê wek

zimanê perwerdehiyê bête pejirandin. Li warên ku nifûsa kurdan lê zêde ye ji divê kurdî wek zimanê fermî yê duym bête qebûl kirin.  
 4. Divê tu astengî li ber radyo, TV û çapemeniya kurdî neyêne danin.  
 5. Divê qedexeyên li pêşiya azadiya raman, bawerî û derbirinê bêne rakirin.  
 6. Divê Yasaya Rêveberiyên Heremî ya demokratîk bête derxistin û ev li ser esasê xweseriya demokratîk bête bicîhkirin.

7. Divê pergala cerdevaniyê bête rakirin û tevdirên aborî û sosyal jê re bêne girtin.  
 8. Divê astengiyên li pêşiya kesên bi darê zorê ji warê xwe hatine kirin, bêne rakirin. Divê zirarên mexdûrên şer bêne dabînkirin û gundên wan bêne avedankirin.  
 9. Divê li herêma kurdan seferberiya geşedana aborî bête destpêkirin.

10. Divê civakên kurd û tirk bi beramberî hev du efû bikin. Divê Ocalan û hemû girtiyên siyasi bêne berdan. Penaberên siyasi ji divê təkili jiyana siyasi bêne kirin.  
 11. Bi pêkhatina çareseriyê divê gerilla jî di çarçoveya qanûnên heyî de bibê hêzên asayişa heremê an jî ji wan re jî statûyeke nû bête peydakirin. Encamnameya Konferansa kurd  
 1-Divê Tirkîye operasyonên xwe yê li Kurdistan û Îraqê rawestine. Operasyonên Tirkîyeyê Herêma Kurdistanê û aramiya wê tehdîd dike.

2-Pevçûna di navbera dewleta Tirk û PKKê de encax dikare bi diyalogê politik a bi nûnerên kurdan re bi dawî bê.  
 3-Divê Tirkîye qanûna li dijî terore ya ku nûnerên legal yê gelê Kurd kriminalize dike û dide girtin rojek zûtir betal bike.  
 4-Ji ber ku bi nûnerên gelê Kurd re neketin diyalogê, hewildana rê li ber vekirina çareseriya pîrsa Kurd, bi ser neket.  
 5-Divê Kurd bikaribin bi hemû partî, rêxistin û sazîyên xwe Newrozê bi dilê xwe pîroz bikin. HAWAR NET.com



## Ciwan Haco; Divê ji bo çareseriyê bi PKKê an jî BDP re rûni

### Rojnamevana Tarafê Amberin Zaman, bi hunermendê navdar yê kurd Ciwan Haco re li Basel a bajarê Swîsreyê beriya konserek wî pê re hevpeyvînek çêkir

Hûn vebûna kurd ya AKPê çawa dînxîn? Li gor we piştî konsera we ya Batmanê a sala 2003an, pêşveçûnên erênî qewimîn?

- Belê hetmen, lê ne bes in. Tenê bi vekirina TRT Şeşê naqede. Lê, li gor min hem AKP û hem jî Tayyip Erdoğan bi dilsozi dixwazin vê meselê çareser bikin. Li hêla din, hin alî ji hene ku ji şer bêsîl dibin. Ew kes aşitîyê naxwazin. A rastî, heger dewleta tirk aşitîyê bixwaze, wê qet ji ne zehmet be. Ango hûn dibêjin, di navbera hikûmet û dewletê de fêrç heye?  
 - Helbet heye, hûn ji vê yekê dizanin.  
 Baş e, divê çî bê kirin? Formul çî ye?  
 - Di serî de divê realîteya PKKê bê pejirandin. Divê bi PKKê re li ser maseyêkê rûnin. PKK, perçeyek gelê kurd e. Çareseriyên ku gelê kurd nedin ber çav, ne çareserî ne. Li Tirkîyeyê 20 milyon kurd hene. Divê daxwazên kurdan li ber çav bên girtin. Êdî politîqayên asimilasyonê nameşin. Li gor min, çareseriya herî maqûl federasyon an jî otonomî ye.

Kes êdî qala serxwebûnê nake. Kurd, dixwazin bi tirkan re bijin.  
 Ji bo beşek gelê kurd dibe ku tiştên hûn dibêjin rast bin. Lê rayagiştî ya tirk bi tu awayî napejirîne ku bi PKKê, an jî bi Ocalan re bê rûniştin. Ew dewleta ku hûn qala wê dikin, ew jî napejirîne. Ji bo hikûmetê jî tişteke weha intixareke siyasi ye...  
 - Demekê li ser heman maseyî rûniştina Yaser Arafat û israîliyan jî ji bo insanên wek xeyal bû. Temam, bila ne bi PKKê re, bi DTPê re rûnin; lê DTP jî girtin. Pêşveçûnên demê dawî, dibe sedem ku dilsoziya AKPê bê guftûgokirin.  
 Îlle federasyon an jî otonomî pêwîst e gelo? Heger Tirkîye bibe endamê yekîtîya ewrûpayê û demokrasiya wê ya pêşketî wê nikaribe daxwazên kurd û tirkan pêşwazî bike?  
 - Belê, çima na? Tirkîyeyek endamê Yekîtîya Ewrûpayê li rastî jî wê tûkûz be. Tenê bila herkes azad be.. Ji bo dewama hevpeyvînê HAWAR NET.com

## Dawiya celadên Kurdan eve; Elî Kîmyewî jî hate îdam kirin

Kujdarê bi sedhezaran Kurd û alîkarê sereke a diktatora berê ya Iraqê Seddam Hüseyn, Elî Kîmyewî hate darve kirin. Berdevkê fermî yê hikûmeta Iraqê ragihand ku Elî Hesen Mecid naskirî bi Elî Kîmyawî hatiye îdamkirin. Elî Hesen Mecid yek ji stûnên partiya Be'sa herrîfiya Iraqê bû û piştî ku bajêr Helebçe û xelkên evî bajêrî da ber çekên kimyayîyên qedexekirî, bi navê Elî Kîmyawî hat naskirin. Evî tawankarî bi ewan çekên qedexekirîyên kimyayî, bêtirî pênc hezar (05.000) kurd kujt û bêtirî 15.000 kurd jî aware kir. Heta niha jî bandorên coranayên (cor bi corên) bi karanîna ewan çekan, di nava xelkê ewan deveran de mane. Malbatên Şehîdan li benda vê rojê bûn.

## Êdî hemberî gelê Kurd ferqa dewleta Tirk û Ewrûpayê nemaye



**AMED (Pêşketin)**  
 BDadgeha Mafên Mirovan a Ewropayê doza di çarçoveya serlêdanên welatîyên kurd ên jî bo bi tipên kurdî nivîsandina nava li ser nasnameyan bi encam kir û pêkanîna dewleta tirk a li hemberî ziman û alfabe ya kurdî di cih de dit Dadgeha Mafên Mirovan a Ewropayê (DMME) jî doza ji bo

nivîsandina 'elewtîyê' ya li ser nasnameyê dewleta tirk mehkûm kir. Yekîtîya Ewrûpa di pirsgrîeka Kurd û Kurdistanê de ne wêrek û dirust e Divê kurd bo haydar kirina derbarê pirsgrîeka Kurd û Kurdistan bi her avahî di hemû aliyên wî li YE bi avayekî rêkûpêk û stratejîk karên diplomatîk

bîmêşîna û divê medya û ragihandina Kurdî bi gîştî û rêveberiya Kurdistanana Azad, hikmeta Kurdistan rasterast têvî wan xebatan bin. Eşkereye ku ger Kurd daxwaz nekin, hewl nedin û bi yekrezi tevnegerin û hêzê xwe mezintir nekin tu hêz wê bo Kurdan hewlên berfirehtir nedin. HAWAR NET.com

## Borsaya Kurdistanê bi resmî hate vekirin

Pêncşema borî li Otela Sheratonê li Hewlêrê di civîneke rojnamegeriyê de bi awayekî resmî vekirina Borsaya Kurdistanê hate ragihandin ku her yek ji hikûmeta herem û kerta taybet tê de xwedi pişk in û jî %13ê pişka wê jî bo welatîyan hatiye terxankirin. Birêveberê Borsaya Kurdistanê Ebdullah Ebdulrehman di civînê de got: "Ev cara yekê ye li herêma Kurdistanê bi rezamendiya hikûmeta Iraqê Borsaya Kurdistanê tê vekirin. Pişka hikûmeta heremê di borsaya de jî %20ê ye, pişka welatîyan jî %13ê ye û pişkên din jî ji bo şirket û kerta taybet e." Ebdulrehman got: "Heta nuha ji bilî jimariyê jî bankayên Kurdistan, Iraq û çend zaningehên taybet, pişka 19 şirketên mezin, wezareta darayî, wezareta karûbarê şehîdan û enfalkirîyan, odeyên bazirganiyê yê Hewlêr, Dihok û Silêmaniyê di borsayê de hatiye tomakirin.

## Li gor anketan dengên BDP (DTP) zêde bûye

Dengê DTP derketiya derodra jî %8'ê. Li gor şirketa lêkolînê a Tirk A&G dengên DTP ku hatiye girtin û niha bûye BDP ber bi zêde bûnê ve diçe. Li gor anketê dengê DTP nêzî %1 zêde bûye. Li gor anketê ger iro hîlbijartinek were pêk anîn rewşa partiyan wisa ye;  
 AKP: % 33  
 CHP: % 22  
 MHP: % 20  
 DTP(BDP): % 8  
 TDH(Partiya Mustafa Sarigul): % 7







# Navneteweyî

## Îran him dibêje "li hevhatin" him jî fuzeyan dişîne

Îran li aliyekî dibêje dewlemend kirina uranyûmê dikare li dervey îranê pêk bîne li aliyekî din jî fuzayan diceribîne

AMED (Pêşketin) : Îran dev ji gavên xwe yê xeter benade..  
 Îran li aliyekî dibêje dewlemend kirina uranyûmê dikare li dervey îranê pêk bîne li aliyekî din jî fuzayan diceribîne.  
 Îranê roketek nû ya bi navê 'kevgöşer' ceriband. Li gora agahiyên wezirê parastinê Ahmed Wahidi di vê roketê de mişk, kûsi û kurm ji hebû ne.  
 Serokê Îranê Ehmedinejad ji bi minasebeta ceribandina roketa nû axifi. Ahmedinejad di axaftina xwe de disa devdirêji kir û got; herçî çaraliyê Îranê bi dujmin û şeqelan ve dorpeçayi ye jî tu hêz nikare berê xwe bide

Îranê û ew ê programa xwe ya atomi berdewam bikin...  
**Nerazibûnên hemberî terora Îranê mezin dibe**  
 Emerika îranê şermezar kir..  
 Rejima Îranê idamkirinê xwe yê bi armanca çavtirsandinê berdewam dike.  
 Li gor agahiyên ajansên fermî yê îranê iro ser sibê 2 kes bi navên Areş Rehmanipûr û "Mihemedriza Zemani" bi tawana beşdari kirin di nav xwepênîşandanên piştî hilbijartinan û herweha endameti ya partiyên "Mocahedinê Xelq" û "Seltenettelb" hatine idam kirin.  
 Berdevkê Qesra Spî ji idamên dawin ên li Îranê bi tundi şermezar kir. HAWAR NET.com



## KURTE NÛÇEYÊN NAVNETEWÊYÎ

### Stratejiya Emerîkî diguhere

Ayedarên parastina Emerîkî dibêjin stratejiya nexşekêşana şeri ji layê leşkerê Amerîkî ve tê guhertin. Li çarçova stratejiya nû, leşkerê Amerîkî ku nuha du şerên mezin dike li Îraq û Afganistanê, xwe bo şerên biçûktir amade dike.

### Elmenya CD'ya ji 'hacker'ekî dikire

Hackereki hamû agahiyên li ser 1500 almanên hesabên wan yê dizi li Swisreyê hene, dizi û xiste mazatê. Hackerek navê wî nediyar agahiyên derbarê 1500 almanên hesabên wan yê dizi li bankên Swisreyê hene dizi. Hacker diyar kir ku ew bo van agahiyan 2,5 milyon Euro dixwaze û muşteriyê wî yê pêşin jî hukumeta alman e.

### Ferensa forûma navnetewî ya derbarê qedexekirina çekên atomî saz dike

Li Ferensa forûma navnetewî ya derbarê qedexekirina çekên atomî lidar dikeve. Di forûmê de nêzê 200 diplomat, cangawar, û rewşenbîr beşdariyê dikin. Amadakar dibêjin wata forûm mezine bi taybetî ji berî sameta girêdayî bi çekên atomî û asayişê ve, ku di meha nisanê de tê lidar xistin û hrewêha konferasa meha gulane ya derbarê lêvenêrina peymanê ne belavkirina çekên atomî. Forûma Parîzê 4 sibatê dest pê dike

### Berfê jiyana li Ewrûpayê xetimand

Berf û bahozê kar û xebat li hin deverên Almanya û Îtalya dan rawestandine. Euronewsê ragihand ku sîrr û seqema girane zivistanê ser Ewrûpayê girtiye û bakura ve parzemîne cemidandîye û berf û borana giran karûbarên tranzit û transportê li vê navçe de dane rawestandine û qismêke firingeha Hamburgê hatiye girtine. Herwiha vê televiziyonê ragihand ku 5 kes ji ber qezaya terafike ku berf û boran bûye sebebê wê li vê devera Almanya yê jiyana xwe ji dest dane. HAWAR NET.com

### Rûsyayê petrola Iraqê hildibêre

Hate diyarkirin ku şirketa petrolê ya Rûsyayê LUKoil û ya Norwêcê Statolinê bi hev re dê li Iraqê 30 milyar dolar razemeniya petrolê bikin. Li gori nûçeya CHA'yê, piştî ku roja berê li Iraqê imze avêtin, Serokwezîrê Rûsyayê Vladimir Putin û LUKoil CEO'su Vagit Alekperov hatin cem hev hate eşkerekirin dê Kurna-2 a rojava 4,5 milyar dolar Beşir Atalay giştî dê 30 milyar dolar razemeni bê kirin.

## Ji El-Qeîdeyê rêbazêke ecêb...



### MI5 hemû cihanê hişyar kir

Rexistina istixbaratê ya İngilistanê hemû cihanê hişyar kir; Militanê El Qaîdeyê dikarin bombeyan bi emeliyatê di nav laşên xwe de veşêrin.  
 Servisa itixbaratê MI5 diyar kir ku li hemberî pêşketina teknolojîk adî balafirxaneyan de militanên El-Qeîdeyê ji rêbazên xwe diguherinin. Êdî militanên El-Qeîdeyê dikarin bombeyan bi emeliyatê di nav laşên xwe bi cih bikin. Jin ji dikarin weke slikonê di nav pêsîrên xwe bi cih bikin. HAWAR NET.com

## Şensa Sarkozy a ji nû ve hilbijartinê kêmtir dibe

Textê Sarkoyz dihêje



PARIS: Nicolas Sarkozy ku bi piştgiriyeke mezin a gelê Frensayê bû serokkomar li gor anketên dawin rewşa wî di xeterê de ye. Li gor lêkolîneke şirketekê anketan şensa Nicolas Sarkozy ji bo ji nû ve hilbijartinê her diçe kêmtir dibe. Li gor anketa han piştgiriya bo Sarkozy daketiya dora ji % 31'an. Li gor şiroveyan di daketina piştgiriya bo Sarkozy de bandora aboriyê û kêmtir kirina mafan hene. HAWAR NET.com

kurdistan amed duhok  
 zanyar zaxo batman hewlêr sine agirî xaneqîn  
 mêrdîn colêmerg mahebad rîha erdîg bedlîs  
 cîzîr erxênî efrîn wan çandîr qamişlo  
 sêrt gîrnex îdir kerkûk  
 silêmanî nûçe  
 aktuel çand zanist ziman huner  
 rojev medya şîrove

zanîn xwe nasîn e...

# HAWAR NET

hawarnet.com

# "Şewba Berazan lawaz bû lê rîsk dewam dike"

Şewba Berazan li cîhanê bû sedema mirina bi hezaran kesî...

LONDON (Pêşketin) : Rêxistina Tenduristiya a Dinyayê (WHO), di malpera xwe a internetê de agahdariyek weşand. Di raporê de tê diyar kirin ku belav bûna şewba berazan sekiniye lê xeter dewam dike. Agahdariyê de hate derbdan ku nexweşî dawiya adarê de derket û en gelek bedel parzemîn a Emerika da. Di heremê de ji 190 hezar û 113 qewaman da 1876 mirin çêbûye. Di dîv parzemîna Emerîqa'yêre başrûr ê roşilat a Asya-Pasîfik bi 49 hezar û 797 qewaman de 203 mirî tê. hate diyarkirin Ewrûpa ji 42 hezar û 557 qewamande 85 kes jiyana xwe dest dane.

Di Efrîka'yê de ji 3 hezar û 843 qewam hatiye çêbûn û 11 kes ji jiyana xwe dest daye. RTD balkişand ku şewba beraza 117 dewletan zêde 209 hezar kes nexweş êxistiye. Li Ewrûpa û gelek welatên din, hejmara kesên ji ber şewba barazê dimirin, kêmtir dibe. Lê belê li Tirkîyê jî, hejmara miriyan zêde dibe. Wezereta Tenduristiya Tirk der barê nexweşîya şewba berazan de daxuyaniyek weşand. Wezeretê îdia kiriye ku hejmara kesên ji ber vê nexweşîyê dimirin kêmtir dibe.

Li gorî wezeretê, hejmara kesên heta niha ji ber şewba barazê mirine, HAWAR NET.com



Li Ewrûpa û gelek welatên din, hejmara kesên ji ber şewba barazê dimirin, kêmtir dibe. Lê belê li Tirkîyê jî, hejmara miriyan zêde dibe.

# Îran him dibêje "li hevhatin" him jî fuzeyan dişîne

Îran dev ji gavên xwe yê xeter benade..

TEHRAN: Îran li aliyekî dibêje dewlemend kirina uranyûmê dikare li dervey îranê pêk bîne li aliyekî din jî fuzeyan diceribîne. Îranê roketek nû ya bi navê 'kevgosher' ceriband. Li gora agahiyên wezirê parastinê Ahmed Wahîdî di vê roketê de mişk, kûsî û kurm jî hebû ne.

Serokê Îranê Ehmedinejad jî bi minasebeta ceribandina roketa nû axîfî. Ahmedinejad di axavtina xwe de disa devdirêjî kir û got; herçî çaralîyê Îranê bi dujmin û şeqelan ve dorpeçayî ye jî tu hêz nikare berê xwe bide Îranê û ew ê programa xwe ya atomî berdewam bikin... HAWAR NET.com

# Gelo 2011'an dê Felestîn karibe serxwebûnê îlan bike?

Serokwezîrê otonomya Felestînî Selam Feyad li konferansê salane yê derbarê aramiyê li bajarê îsraîlî Gêrsîlî ragihand , ku felestînî amadene di sala 2011 a dewlata xwe ya netewî avabikin

QUDÛS (Pêşketin): Bi gotinê wî divî wari de bi taybetî aboriya felestîni tê vejandin , institûtên desthilatê tene avakirin û efekta hêzên ewlekariyê bilind dibe. Di nerîna wî de di sala 2011 a de gerek gelek tiştên erênî diyar bibin , ku bandoriyê liser biryara siyasî bikin .

Lê Rojhilatnas Vladimir Ahmetov bi guman e ku Felestîni bitena xwe karibin dewleta serixwe îlan bikin:

Ahmetov dibêje; Mercên girêdayî bi jiyana dewleta Felestîni ya serwer ne cigirtine , bi taybetî jî di pirsên girêdayî bi vegera baneberan û Qudsa rojhilat ve . Bi gotinê din ew pirsên liser dirêjaya salên bûhurî astengî li pêşîya diyaloga aştiyê sazîkin, hin jî bê çareserkerin mane

Ji bo zêdetir nûçeyên NAVNETWEYÎ hawarnet.com

# DÊ DYE BI AVAYEKÎ ZANISTÎ ÊŞKENCEYÊ BIKE

Ji bo rêbazên nû yê teknikên lêpîrsîna bersûcên terorê dê lêkolînên zanistî bê pêkanîn... Di dema Bush de jî, ber rêbazên xirab ên lêpîrsîna a di "şerê dijî terorê de" dibû sedema nerazibûnan.

Dirokora îstixbaratê ya Emerikayê Dennis Blair diyar kir ku ji bo peyda kirina rêbazên nû yê teknikên lêpîrsîna bersûcên terorê dê lêkolînên zanistî bê pêkanîn. Di daxuyaniya xwe de Balir zêdetir agahî neda... HAWAR NET.com

# Li DYE'yê rekora mezin bûna ya 6 salên dawîn

Mezin bûna aboriya DYE didome. Ekonomîya DYE di çirkeya dawîn a 200'an de bi %5,8 mezin bûna herî zêde ya 6 salên dawîn

pêk anîn. Ev pêşketin di borseyan de rewşa DYE hinek din ber bi pozîtîf ve bir..

# Li Qirxizistanê li dijî kurdan dek û dolab

Li bajarê Calal-Abada başûrê Qirxizistanê bi angaştê ku ciwanekî kurd keçeke qirxiz tacîz kiriye dijberiya neyartîya kurdan hat zêrandin û qirxiz dixwazin bi zextan kurdan jî herêma navborî derxin.

Qirxizên herêma navçeya Kok-Yangak a bajarê Calal-Abad a li başûrê Qirxizistanê li ser angaştê ciwanekî kurd ê bi navê Hamza roja 20'ê çileyê keçeke qirxiz tacîz kiriye, dijberiya li hemberî kurdan her diçe zêde dibe. Pêr di li heremê bi pêşengîya hin provokatoran girseya qirxiz hat zêrandin. Bi vê provakasyonê qirxizan dest bi kampanyeyê kir da ku 90 malbatên kurd ji cih û warên wan bidin rakirin û bixin ser riyên koçberiyê.

Der barê mijarê de lêpîrsin didome. Lê girseya ku hat zêrandin ji pêr ve li navçeya Kok-Yangakê civiyaye bi dirûşmên nijadperest berz dikin. Hêzên heremî û çapemeniya heremê ragihand ku kurdê 19 salî piştî bûyerê girtine binçavan û der barê mijarê de lêpîrsin didome. Nûnerên kurd diyar dikin ku kesên navborî hiş û aqilê wan ne di cih de ye. Lê ne rast e ku hêzên ewlehiyê di lêpîrsinê de hemû kurdan berpîrs bigirin. Nûnerê Organîzasyonê Kurd a navçeya Kok-Yangak a Celal-Abatê Asin

Di KURDO de her tişt li ber destê te ye...

Ename, sohbet, listik nûçe, video, kêf, agahî û zêdetir...



## Ger tedbîr neyê girtin dê di nava 5 salan de 85 mîlyon kes bimirin

AMED (Pêşketin)

Li cihanê her sal 7,6 mîlyon kes ji ber pêncşêrê jiyana xwe ji dest didin. Rexistina Tenduristiyê ya Cihanê bi minasebta roja kanserê ya cihanê daxûyaniyê belav kir. Di daxûyaniyê de rexistin derbarê belav bûna kanserê de hişyariyên girîng da. Di daxûyaniyê de tê diyar

kirin ku ger tedbirên pêwîst neyê vegirtin wê heta 2015'yê dibe ku 85 mîlyon kes ji ber pêncşêrê jiyana xwe ji dest bidin. Di daxûyaniyê de tê diyar kirin ku kêrîkirina alkol û cixareyê, xwarina baş, spor kirin û teşxîsa zû dikare hejmara nexweşan ji %40 kêr bike.



### Pêşi li kanser jî dikare bê girtin"

Yekîtiya Tenduristiyê ya Cihanê bi Yekîtiya Dijî Kanserê a Navnetweyî bi sloganê "Pêşi kanser jî dikare bê girtin" rêza çalakiyan dardixin. Yekîtiya Tenduristiyê ya Cihanê bi Yekîtiya Dijî Kanserê a Navnetweyî di rêza çalakiyan xwe yê isal de fikra "Pêşi kanser jî dikare bê girtin" dardixin pêş. Di kampanyên wan rexistinan de tê diyar kirin ku mirov hin tedbiran dikare pêşi li pêncşêre bigre. [HAWAR.NET.com](http://HAWAR.NET.com)

## Netbook sektora kompîterê rizgar kir



AMED (Pêşketin): Bandora kriza aboriyê a ser sektora kompîterê kêr dibe... Sektora teknolojiyê bi taybeti jî kompîterê hêdi hêdi ji bandora kriza aboriyê derdikeve.

Li gor agahiyan sektora kompîterê bi saya netbookan jî badnora kriza aboriyê zêde çênê.

Hate zanin ku di nava sala 2009'an de 90 mîlyon heb kompîter hatine firtin û pîraya wan netbook'un. Netbook jî notebookan biçûktir e û ji bo tîkînetê û karên rojane zêdetir tê bikaranîn. Li gor agahiyan di nav şîrketan de herî zêde HP û piştê jî ACER kompîter firotiye.

## Dermanê mucîze; Aspirîn

Aspirîn Li dijî zêdetîna laş, serê û simptomên arsimê tê bikaranîn. Herwekî jî ber ku xwinê tenik dike, di NDD (nexweşiyên dil-demar), pêşgirtina mirina masûlkeyên dil de jî bikêr e. Aspirîn jî pel û qaşikên dara bî (bîdar) tê çêkirin ku 3.500 sal in bandora pelên bîdarê li ser laş tê zanin. Cureyên nûjen ên aspirîna ne sade ne, gelek elementên tîkîkîlar û vitaminan jî dihewînin. Di roja me jî bo gellek êşan tê bikaranîn. Di hin lîkolînan de tê idda kirin ku aspirîn rê li ber hinek kanserên jî digre..

## Bi iPadê dema tablet pc'yan destpêkir

Kompîterên ser mase, notebook, netbook û niha jî tablet pc...



AMED (Pêşketin): Apple iPad'a xwe nişani medyayê da. iPad xwedî giraniya 0.75 kg e û qelindiya wê jî 1.30 cm ye.

Hate diyar kirin ku di nava iPadê de nêzi 200 hezar sepan (uygulama) hene.

Di heman demê de iPad weki e-pirtûk, e-rojname jî dikare were bikaranîn. Tê texmîn kirin iPad bi 500 dolari were firotin.

### Dema tablet pc'yan tê

Kompîterên ser mase, notebook, netbook û niha jî tablet pc.. Di bazara kompîterên dê salên pêş me gellek rengintir be.

Şîrketên kompîterê hêdi hêdi li gor îhtiyacên cûda bi şeweyên cûda kompîteran çêdikin. Kindle a ku wek e-pirtûk tê bikaranîn minaka pêşin a wê yekê bû. Yek jî şeweyê nû ya kompîteran kompîterên taybet e. Demeke dirêj bû ku cihana teknolojiyê li benda iPad'a Appellê bû.

Wek tê zanin şîrketê Apple'ê bi Iphone xwe bazara telefonên mobil serûbin kiribû. Ji ber wê yekê jî bendewariya ji bo iPadê jî hê zêdetir bû bû. Minaka herî pêşin ya kompîterên tablet jî aliyê HP ve meha bîhûrî hatibû nasandin.

## Reqîbên iPadê zêde dibin; Gpad di rê de ye

Şerê 'tablet pc' yan destpêkir.

Piştî ku iPad jî aliyê Appellê ve hate derxistin û derket bazarê di cihana kompîtergeriyê de şerê nû destpêkir.

Bi iPadê ku dema kompîterên tablet destpêkir şîrketên nû jî di wî wari dest bi pêngavan kirin.

Piştî Appellê û HP'yê niha jî Google dikeve bazara tablet pc'yan. Google ku bi Nexus One keti bû baraza telefonên mobil û sistema xebatîna jî bo kompîteran bi navê Google Chrome derxisti bû niha jî ser tablet pc'yekî dixebite.

Hate zanin ku dibe ku navê tablet pc ya Google'ê bibe Gpad û heta saleke derkeve bazarê. [HAWAR.NET.com](http://HAWAR.NET.com)

## Spirit ser Mars'ê asê ma



NASA diyar kir ku ew jî Spiritê hêviyên xwe birîne...

Amurê robot a bi navê Spirit ku li Marsê lêkolîn dikir û di 2004'an de ji aliyê NASA'yê ve hatibû şandin li Marsê ket nava heriyê û zanyar nekarin ji nav heriyê derxin. NASA diyar kir ku ew jî Spiritê hêviyên xwe birîne û xebatên jî bo rizgar kirina Spirit hatine rawestandin.

Lê NASA daxûya kir ku dê Spirit bi avayekî statîk be jî dikare hin agahiyan bişîne dinyayê. [HAWAR.NET.com](http://HAWAR.NET.com)

## Heywax!; Ji %90'ê înternetê tije bû...

Li gel zêde bûna amûrên ku dikarin înternetê bixebitin hejmara malperan jî her roj zêdetir dibe.

Zêde bûna hejmara malperan bû sedema kêmbûna navîşanên IP ku di înternetê de tê bikarandin. Hate zanin ku navîşanên IP ber bi bi dawî bûnê de ye. Ji %10 hejmaran vala mane û ev jî bi avayekî pir zû diqedin. Saziya ku ji wê mijarê berrîsyare Number Resource Organisation diyar kir ku ger derbasî IPv6 neye kirin dê hejmarên IPv4 di demeke nêzik wê bi dawî bibin. [HAWAR.NET.com](http://HAWAR.NET.com)

## Nexweşiya Parkînsan nexweşiyêke çawa ye?

Nexweşina Parkinson bi giştî bi mîrên pir re çêdibe lê bi jinan, cihê û ciwanan re jî carna çêdibe. Nexweşiya parkinsonê yek jî nexweşiyên neurologîk e û mixabin sedî sed terapiya wê hêj nîne. Bi xerabûna fonksiyonên mejî xwe dide der. Pîrrani li temendîrêjan peyda dibe. Cureyekê felcê ye. Heger sedemê zanîn jî re "sendromên parkinsonien", heger neyê zanin "îdyopatîk parkinson" tê gotin.

Nexweşiya Parkinson nexweşiyêke wisa ye ku her ku wext di ser de dibuhure girantir dibe ji ber wê jî Isaacs her ku çûye xirabtir bûye.

Her ku tesîra dermanên wî kêr dibe an jî hêj bandor nedabeyê lîrêk bi canê wî digre. Bi wê nexweşiyê canê meriv diricîfe û dilerze. Kesên ku nexweşiya kronîk ango herdem ya Parkinson bi wan re hebûn carna birêveçûna wan bi zehmet e, carna wek ku mat mayibin di cîyê xwe de dimînin û nikarin bilebitin. Ev nexweşiya ku di sistema asabî de dertê bê çare ye û li ser cihanê şeş mîlyon û sê hezar kes bi wê nexweşiyê ketine. Terapî di hin kesan de qe bersîvê nade lê di gelek da dide. Pîrrani dermanên ku neuroyan ditetikînin tê bikarandin. Disa cihê ku problem heye tê tunekirin ku ev tenê êşa nexweş kêr dike. Bi operasyonan nexweşî tê ceribandîn. Alikariya sosyal pêwîst e.

## Kesên çavşîn, çavên we ronî be; Hûn zîrektir



Kesên çavên wan şînin beramber kesên rengê çavên wan ne şînin zîrek tirin. Li gor lîkolînekê da diyar kiriyê ku xwediyên çavên şîn li gor pîvanekê zîrekî lê diyar dibê beramber kesên dîn. Her wisa xûyakir li Emrika kesên çav şîn gelek zîrekî û di ceribandîna da serkeftî ne û pêzanin di mejiyê wan da pirin...

weşanên nûçe - rojname - tv - kovar - radyo

Hemû linkên ji medyaya Kurdî.

Cihê we yê destpêkê!

Bixwînin - Zîndî Têmaşe û Gûdarî bikin [medyayakurdi.com](http://medyayakurdi.com)



## "Hişê wî di Hewa" de

AMED (Pêşketin)



Clooney di de "Up in the Air" jiyane fam dike Ryan xebatkareke şirketekêye ku hemû jiyana wî li bajaran di gerên karê de derbas dibe.

Ryan xwedî jiyana azad e ku li balafir û erebeyan de derbas dibe. Bi îmkânên şirketa xwe di ji û kêfa wî li cih e. Hemû tiştên wî di baholekê de ye. Piştî ku şirketa Ryan budceya gerên karê kêmîr dike Ryan dikeve nava têkoşîneke nebauer. Û Ryan hê nû jina ku xewnên wî dixemiland peyda kiribû. Piştî ku tiştên tê serê wî ev êdî difikire ku ka xwedî bûna malekî tişteki çawa ye? Film her çiqas wek çiroka Ryanê xûya dikibe jî di rasti de film bi çawaki rexneyî jiyana kari ya roja me dinere. Û bi şeweyeke cûda bandorên kriza aborî nişani me dide. Karaktera Ryan jî aliyê listikvanê navdar George Clooney ve tê listin. **SINEMAKURD**



Listikvana xweşik Vera Farmiga jî li gel George Clooney listikavana sereke ye



## Bazara muzîkê cihê xwe hişt muzîka dijîtal

Li cihanê roj bi roj bazara firotina cd'yan biçûk dibe. Li beramberî vê yekê jî internet dibe çavkaniya yekane ya muzîkê. Êdî bi riya mp3'an herkes muzîkê jî internetê peyda dike. Muzîkçêker jî êdî hêdi hêdi dest bi weşandina stranan tenê di internetê de dikin. Yanî êdî li şûna ku CD were derxistin straneke hunermendê bi nirxeke erzan ser internetê tê firotin. Rêjeya firotina muzîkê a ser internetê li gel peyda kirina rêbazên nû yên bazar kirinê her sal nêzî %15 zêde dibe. Li gor texmîna Federasyona Endustriya Fonogram ya Navneteweyî ku firotina cihanî ya muzîkê kontrol dike di sala 2010'an de jî % 35ê hemû firotinên muzîkê firotina jî muzîkê ye dijital pêk bê. Beramberî vê yekê raporên ku her sal IFPI diweşîne wisa nişan dide ku muzîka dijital wê formata CD jî holê raneke.

### DYE bazara herî mezin e

Di layeke din de jî firotinên muzîka dijital li gor 2008'an di 2009'an hinek zêde bûye. Bi giştî jî %80ê ev firotinê li DYE pêk tê. Bi giştî mezinya muzîka dijital 4.6 milyar dolar e.

Li Amerikayê 2008'an de %20 muzîkê ser internetê hatiye firotin. 2009'an de jî rêje bûye %29. Her wiha li gor raporê daxistina muzîka dijital li Japonyayê herî zêde bo amûrên mobil pêk tên.

### Di muzîka Kurdî bi mp3ên bêtelîf mafên hunermendan tê bînpêkirin

Ji ber ku li Kurdistanê bi rexistin bûyinek navendî nine û dezgehên kontrol kirinê nine muzîka dijital bi riya mp3'en ne yasayî keda hunermendên Kurd tê talan kirin û guhdarên Kurd jî di vî wari de zêde hestiyar ninin û CDyên orjinal yên muzîka Kurdî nakirin û derbeyek mezin li pêşketina muzîka Kurdî dixin. Her wiha jî ber nebiyana dewleteke serbixwe ya Kurdistanê îstatistikên muzîka Kurdî di raporên navneteweyî de nayê daxil kirin.

Daxistina mp3 ên qanûnî rê li zindî bûna bazara muzîkê vedike. Li aliyê din jî malperên parvekirina muzîkê a qanûnî rê dide ku herkes muzîka qanûnî û bê pere daxine kompîtera xwe û guhdari bike.

HAWAR.NET.com

## Dormen provaya listika kurdî dike



Promiyera listika bi navê 'Çirokên Zivistanê' ku derhêneriyê wê Dormen dike dest pê kir. Promiyera listikê dê 26'ê mehê li Amedê pêk bê û listik yekem car dê derkeve ser dikê Şanogerê navdar Haldun Dormen, dest bi provayên listika xwe ya bi kurdî ya bi navê Çirokeke Zivistanê kir. Promiyera listikê dê di 26'ê mehê de li Salona Şanoyê ya Şaredariya Amedê bê listin.

Şanoger Haldun Dormen, dê di jiyana xwe ya şanogeriyê de cara yekemîn derhêneriya listikeke bi kurdî bike. Di 26'ê sibatê de jî dê promiyera listikê pêk bê. Dormen der barê xebatên xwe de hin agahî dan û diyar kir ku ew jî ber ku cara yekem e derhêneriya listikeke bi kurdî dike, heyecana wî gelek zêde ye.

## Romenake nû; Otobês

AMED (Pêşketin): Romana Kurdi ya ku bi ceribandînen xwe yên zimani yên nû di qonaxa guherîn û veguherînê de ye sal bi sal berê xwe dide deverên rengintir û dewlemendtir. Hêdi be jî, ev romana ku jî vê qonaxê de weki berhem derdikeve, bi xwe re xwendevanên xwe yên nû jî tine. Yunus Eroğlu yê romannûs û wergêrê xort (romana wî ya pêşîn, Nameyek Ji Xwedê Re, Lis, 2007) bi romana xwe ya du-duyan, Otobêsê, romana me û zimanê me ber bi deverêke bi şewq û şemal ve dajo, xwendevanê xwe ye jir vedixwîne ceng û cidala dengêki ku bi ser gelek dengên dabeş dibe.

Otobês romanek e, ku albûmeke ji gelek kesan pêkhatiye. Her paldankek bi dengê xwe yê navxweyî qala xwe dike. Dengên ku di paldankên otobêsê de rûniştine û heftokan ji dawa xwe de dirijîn. Yunus Eroğlu bi vê romana xwe ya bi navê Otobês jî zorê dide tixûbên zimanê Kurdî, bi zimanekî wiha bi silsileta xwe berdeyam dibe. Otobês Yunus Eroğlu Wêjeya Kurdî / Roman: 82 / 17 Reşemî 2010, 196 rûpel ISBN: 978-605-5683-13-9

## Beyonce Grammyê hêjand...



AMED (Pêşketin): Yek ji xelatên girîng ên cihana muzîka li DYE'yê Grammy hatin belav kirin. 52'emîn xelatê Grammyê li Los Angelesê hate belav kirin.

Di merasimê de Beyonce bi 6 û Taylor Swift di 4 beşan de xelat bi dest xistin.

Listeya xelatên din wisa ye;

-Qeyda Salê: "Use Somebody", Kings of Leon

-Albûma Salê: "Fearless", Taylor Swift

-Strana salê: "Single Ladies (Put A Ring On it)", Beyonce Knowles

Albûma herî baş pop ya salê: "The E.N.D.", The Black Eyed Peas

Stranbêja herî baş popê ya salê: "Halo", Beyonce Knowles

Stranbêjê herî baş popê ya salê: "Make It Mine", Jason Mraz

Albûma herî baş a Rockê ya salê: "21st Century Breakdown", Green Day

Strana herî baş Rockê ya salê: "Use Somebody", Kings of Leon. MUZIKKURD.com

## Avatar, Tîtanîkê noq kir...

Cihana sinemayê bi serkeftina filmê avatarê dihêje. Filmê nû ya James Cameron Avatar James Cameron filma Tîtanîk ku disa ew kişandibû û serkeftineke pir mezin bidest xisti bû û rekora filmê ku herî zêde pere bidest xisti bû.

Filmê Avatar di warê xesilatê de Tîtanîkê li dû xwe hişt. Avatar di 6 hefteyê 1 milyar 859 milyon dolar qezenc bi dest xist. Tê hêvi kirin ku Avatar di Oscarê de jî serkeftineke mezin bi dest bixe. **SINEMAKURD**

Kevçiyek rûnê behivan, zerdikên du hêkan, kevçiyekî şerani kil. Malzemeyan heta ku bibin mîna melhemê tev bidin. Di sarkerê de bihêlin. Her ku lazîm bû, di destên xwe bidin. Melhem, wê cildê destê we biparêze.

## Ev pisîk kêsên ber mirinê texmîn dike



Pisîka bi navê Oscar a 5 salî xwedî qabileyeteke ecêb e. Oscar di nexweşxaneyêke a li Rhode Islandê de heta niha mirina 50 kesan texmîn kir. Pispore geriatrîyê Dr David Rosa cawa ewil di sala 2007'an de di kovareke a zanîstî de behsa qebiliyeta Oscarê kiri bû.

Oscar piştî 2007ê ji mirina gellek kesan texmîn kiriye. Oscar dema ku diçe cem nexweşêke rûndine ev nexweş di demeke kin de jiyana xwe ji dest dide. Wisa tê texmîn kirin ku Oscar dikare şaneyên ku dimire pêbidese. HAWAR NET.com

## Ji Angelina û Brad mesaja "em bi hev re ne"

Demeke dirêj bû ku di çapamaniya magazinê de dihat idda kirin ku Brad Pitt û Angelina Jolie ji hev vediqetin. Lê ew bi hev re hatin merasîma xelatê li Los Angelesê. Bi hev re hatina Angelina û Brad çapamanîyê matmayî hişt. Dihate idda kirin ku ji bo hev berdanê hemû amadekarî hatine kirin.



## Krîza "pedala xazê" mezin dibêr

Şirketa otomotivê a mezin ya Japonayê Toyota çend roj berê 9 mîlyon wesayîten xwe yên ku hatine firotin ji xwediyên wan û ji bazarê vedikişîne. Hatibû diyar kirin ku sedema paşve kişandinê ji ber pirsgerêkeke di pedala xazê ye. Piştî Toyotayê doh ji Peugeot ji 100 hezar otobomilên xwe yên Peugeot 107 ve Citroen ji Citroen c1 paş ve kişand. Paşve kişandina otomobilan cihana aboriyê serûbin kir û bû sedema aloziyan. Serokê Totyotayê ji ber paşvekişandina erebeyan lêborîn xwest

**Masîgiran 'masiyek zêrîn' girt**  
Li eyaletê Guangdong a Çînê masiyekê zêrîn kete tora masîgiran. Evê masiya 24 eyar zêr, her kes matmayî hişt.

Li gori nûçeya medyaya Çînê, li navenda eyaletê li bajarê Guangzhou ev masî li ser okyanûsê tête nişandayîn, ji malbata masîzêran a nadîde ye. Li gori lêkolînên zanyaran ev masiya ku wekî zêrî dibiriqê, bi rastî ji li gelek derên laşê wê zêrê 24 eyar heye.

## Sedema maqyaj kirina jinan heye

Pispore mêjiyê Dr Ken Mogi di encama xebatên xwe de gihêst vê encamê ku dema jin xwe di neynîk(awêne) de dibînin beşa "xelat kirin" a mêjiyên wan dikeve hereketê. Zanyarên sedema xwe xemilandina jinan lêkolîn dikin diyar kirin ku jina ku makyajê dike bi xwe bawerîya

ecibandina mirovên din xwebini di rihê wan de derdikeve holê. Zanyaran diyar dikin ku dibe ku heman hissa bextewariyê ku zilamê ku rûyên xwe jê dikin û kolonyayê ser rûyê xwe dide de ji derkeve holê.



**Yekem û yekane**  
**weşana nûçeyî a Kurdî**  
**ya mûzîka Kurdî**  
nûçe, albûmên nû, liste, agahî, klîp, jiyanname, gotar

Klipên nû, filmên karton bo zarokan, dokumanter, filmên ji sinemaya kurdî û cihanê, awazên dengbêjan, dimen, pêkenin, konserên hunermendên hezkirî

**Niha Zindî binêre**

**HAWARTV**

# JI BO REKLAM Û ÎLANÊN WE

Hûn dikarin di Pêşketin, HAWAR NET.com an jî weşanên din ên koma HAWAR de reklam û îlanên xwe bi nirxa herî gûncaw biweşînin.

têkîlî agahi@hawarnet.com